



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCCX. ad annum MLXXIII.

**Parisiis, 1644**

VII. De beneuolo regis meditamine.

**urn:nbn:de:hbz:466:1-15625**

tubernio fruentes, bonitate perspicui virtutum omnium vberate referti, expertes peccati, omni contagione priuati, sine fine post diem iudicii restauratis corporibus exultantes regnarent. Hanc præcipuam sine dubio gloriam credentibus, qui Trinitatis veraque vnitatis fidem bonis insudantes operibus sectantur, pollicitus, non credentibus supplicium minatus aeternum, perpetuis barathri incendiis iustissime spopondit.

## VII.

*De beneuolo regis meditamine.*

Hinc ego Edgarus, diuina fauente gratia totius Albionis basileus, rimari magnopere cœperam quid operum studio exercerem, vt ad tantam gloriam perueniens Christi sanctorumque eius cælo collocatorū contubernio coronatus fruerer, tantamque inferni miseriam deuitarem. Instigante etenim Domini clementia, occurrit animo vt ipse criminibus cessarem cunctis, atque bonis operibus infestens, forma factus gregi, quo usque nostri regiminis gubernamine degentes lucrifacerem. Quosdam igitur suasionibus inuitans ad præmia, quosdam terroribus compellens, ad gloriam bona ædificans, mala, vt Domino faciente potui, dissipau. Scriptum quippe per Ieremiam memini prophetam: *Ecce constitui te super gentes, & super regna, vt euellas, & destruas, & disperdas, & dissipes, & ædifices, & plantes.* Talibus igitur exhortatus doctoribus, quibus nos Dominus per prophetam clementer admonuit, agens Christo fauente in terris quod ipse iuste egit in cælis, extricans videlicet Domini cultura criminum spurcias, virtutum semina sedulus agricola inserui.

## VIII.

*Qua ratione clericos eliminans monachos collocauit.*

Timens ne aeternam incurrerem miseriam, si adepta potestate non facerem quod ipse, qui operatur omnia quæ in cælo vult & in terra, suis exemplis iustus examinator innotuit, vitiosorum cuneos canonicorum e diuersis nostri regiminis coenobiis Christi vicarius eliminaui; quod nullis mihi intercessionibus prodesse poterant, sed potius, vt beatus ait Gregorius, iusti vindictam iudicis prouoca-

*Concil. Tom. 25.*

S